

# 豫言

中華民國六年八月

十一月 星期六

丁巳年六月二十四日

第三十二號

本報發行所設立

開封馬道街商場

北三層樓

江蘇鐵路股票 江蘇鐵路證券

浙江鐵路股票 浙江鐵路證券

元年愛國公債 三年內國公債

四年內國公債 新華儲蓄獎券

開封河道街路北泰記古玩店、特備現洋收買古玩磁器

珍珠字畫早晚不悞

收買雙歧來莖再啟

本社所收雙歧來莖現已收買足數目下專收三歧四歧來

莖計三歧者定價二元四歧以上者定價四元必項莖穗完

全者方收每莖再收兩種為止凡有售者請即送到商場本

報發行所內價洋隨時照付不悞

定閱本報價目 每期售銅幣三枚 預付定價每五十期大

洋一元 外埠定報每期寄費郵票半分

代登告白價目 第一期每字大洋五厘連登五期八折連登

十期七折連登二十期六折常期對折

登本報告白者注意 本報與他種日報不同每年裝訂成

冊以便收藏凡登告白者可有永久効力諸維 亮答

非儒非俠齊鸞文潤格

間達不求藏蕨難採戲來驅我壯尚依人不使遺孽之威用

舊生花之筆文章敢希善價翰墨願締神交姑報積以待沽

世賣裝而壽值世有知鯁生者請如格以償之

壽文 每百字五元 多則遞加

壽詩 五律每首二元 七律每首三元 五七古偈之

壽聯 每對二元 長聯倍之 晚聯同

墓誌 每百字四元 忠義節烈三折計算

碑傳面議 哀誄啟序 每百字三元

先潤後作一月取件速道若加郵稅立索除欠均不應散

文七折親友九折諒書屏對照格六折 甲寅冬月訂

代收處 城隍廟街路東石寓 豫言報社

文苑

唐休廣潘正叔安身論 (續三十一期)

臣漢齊近世新體文賦之一

若天文遊之際仇漸斯最拔青松以示心指白水而明信始  
之不慎悔其可追哉寧銘以伍員而禁終於反噬張耳撫陳  
餘之莫年乃相殘斯時末俗之浮流公叔所以絕交而傷我  
生之悻獨孝標因之痛哭此以友我其身者四也夫以最獨  
之躬值衆怒之狀發言成瘡疥所至生荆棘列欲薰其臟腑  
名貴腐其肺肝薄松侵其骨髓禍變攬其神明思慮銷其精  
氣喜怒泯其平且而謂僅寒惟悴莫葆松喬之性脫離而然  
恆留金石之姿以是安身難可知矣而况生今之時處今之  
勢亂不烈於元嘉而夷患尤亟禍匪積於清談而竊指彌深  
泥成法而勢變通憂癘疽而忘睨眩朝政購成仕路盡毀項  
之輩強鄰逼峙亭壁無藩籬之固魚在釜而末沸燕巢薰而  
不驚引蠆騰於蒿心葉雖盛而畏其稿伏膏肓於二豎軀雖  
強其存幾何由斯以談死生存亡未知所底不自我先不自  
我後詩人所悲憂心如結而營營利窟者方幸其得計死死

名場者群鶯於虛罇蟪蛄不知春秋蟪蛄有為且暮嗟乎祀  
人憂天婁婦恤緯彼鉛槧之士則曰吾身集而不安也其愚  
若此夫復誰尤無已且為天下畫一安身之策焉居上者清  
其心寡其欲以無私為本以奮勉為用毋墮正而惡直惡正  
而害能求巖穴之士以濟時艱研農商之法以蘇民困以新  
膏胆以雪國恥立學練兵以育人材而後身名與鐘鼎並壽  
位祿與金湯同固居下者敦厲廉節主持風化棄小儒之帖  
括求天民之事功學必貫乎中西道惟斷於踐履憂中原之  
板蕩則精研格致以圓富強憫聖教之衰微則培植英才以  
資砥柱觀其貌曠然無累窺其心寂然無求在醜夷不爭居  
幽獨不忤之夷狄不棄處哀亂不渝窮則獨善其身達則兼  
善天下如是則心正心正則身安夫天下之大天下之人所  
積也天下之人一人之身所積也安人人之身者基於儒者  
之安其身綜天下之身以為身其身大安天下之身以安其  
身其安大不然而安身無具遠人為高絕名利寡言語屏文  
游息不擾於塵網欲不攪於靈台欲獨行之士優為之庸知  
時變將亟蘭艾同焚舟楫路穹星漢非雲槎可渡豺狼噬厲  
山林皆辛螫之鄉身已困矣安於何有而况譽大名以附造

此之忌根孤介以易聖哲所難者哉

已完

### 詞林

清明七絕二首

蘭陵季子

踏青人去草綿芊閨巷兒分白打錢惟愛東園風景好綠楊陰裏有鞦韆

傷懷草草又清明逝水年華羈旅情愁到極時成獨笑貪嗔痴愛一齊平

清明七絕二首

巢雲客

踏青人影亂平沙門柳迎風獵獵斜有客思家歸未得淚痕紅上杜鵑花

柔絲裊裊漾晴沙人影踟躕日影斜崔護重來春已去不堪愁對小桃花

清明七絕二首

純根

東風剪剪雨絲絲客厭人家上塚時最是撩人歸思切杜鵑啼破海棠枝

六年客裏過清明走馬芳郊幾度經記得春明門外路杏花紅映酒帘青

山居夏日

香雨

柴門流水山橋通隔澗蒼生藥草風萬樹鳴蟬晴露透半山樵唱夕陽紅

其二

前人

野蔬飯罷坐胡牀竹徑風來枕簟涼萬點流螢光應亂夜深零露濕荷裳

山居夏日

巢雲客

竹舍茅簷暑不增在家深在石雲層簟林睡起人聲寂一院清陰落古藤

其二

前人

庭院分陰入窗紗一曲蟬琴月漸斜別與鄰翁基局罷羊頭奴走綠沈瓜

山居夏日

純根

飛泉漱玉稱眠琴石上青藤罨午陰夢醒不知塵世隔一聲蟬噪萬山深

其二

前人

碧峯高矗水亭涼雨過風清荷葉香讀罷南華慵未起滿天空翠落書牀

團扇復團扇手製有素絹漸看無顏色願郎一顧盼  
 團扇復團扇別後無由見豈是郎棄捐秋風來相賤  
 團扇復團扇齊紈製素面中畫昔蒲花但開華得見  
 團扇復團扇合羞中遮面明知郎在前不與郎相見  
 團扇復團扇知郎在對面咫尺似蓬山艱難謀一見  
 團扇復團扇團樂似郎面鮎秋不忍藏藉可朝朝見  
 團扇復團扇新風拂儂面遮莫怨棄捐明年會復見  
 團扇復團扇桃花映人面不識再來時能否重相見  
 團扇復團扇扇薄如妾面知非妾負郎羞願終懶見  
 團扇復團扇泪濕梨花面重恐傷郎心遮遮不許見  
 團扇復團扇掩映郎前面明知儂在茲佯嗔不許見  
 團扇復團扇纖指截破面遮面難遮羞故故教郎見

初夏

花 伶

筆 記

君子方成賞楊花已散錦風搖縹緲水波漾臺荷戲細瀉肥  
 梅雨初長熟來天芭蕉陰漸滿濃綠護窗前

海天廬隨筆(五)

寒 蛩

偶閱字輯讀書隨錄云凡人死曰卒曰歿曰疾終曰溘逝曰  
 厭世曰棄養曰長逝曰捐館舍此天人知之也又曰棄堂帳  
 顏魯公徐府君神道碑夫人春秋六十有八棄堂帳於相州  
 之安陽又曰啓手足獨孤及獨孤公夫人韋氏墓誌啓手足  
 之日長幼號咷權德輿杜歧公墓誌銘十一月卒啓手足京  
 師安仁里梁肅皇南照尉誌銘啓手足於嘉興縣私第宋李  
 宗諤石保吉碑啓手足於豐義坊之私第又曰隱化陳子昂  
 為其父元敬誌銘隱化於私宮又曰遷神柳宗元崔敬誌銘  
 遷神於舟又道士卒曰解駕見唐薛長史舊船壇碑曰遁化  
 見元公李元靖先生碑尼卒曰遷神見李志疎唐興聖尼法  
 澄銘曰遷化見庚宣化寺尼見行塔銘曰捨壽見唐濟度寺  
 尼法願誌銘僧卒曰遷形亦曰遷化見唐安安神師塔記及  
 僧維新等經幢曰示滅見劉禹錫牛頭山社大師新塔  
 記  
 余按僧卒曰遷形曰滅度曰圓寂內示寂此行之之謂見者  
 此錄廣搜博採於此概未誌及殆記者喜以搜討新異為宗  
 旨乎因其滿思故並誌之

# 花事

## 仙源看桃花

妓之為物雖屬野花開草然以不染青樓習氣者為難得而於今之揚州班其怪狀尤為青樓習氣中之下乘故吾每度涉足南部見揚州怪物之醜態橫勁輒作三日嘔吐然有不能一概抹煞者若福來班之桃花是也按書劉姓芳名少卿桃花其字也按書之貌光采奪人而舉止沉靜語言安詳絕無繹毫揚揚習氣殆所謂豔如桃李而潔如冰霜者其尤為特色者則在雖無醜態却有至情凡所對待客人一言一動皆從肺腑中流出余數從友人至香巢觀此名花不禁拍案叫絕今而後知向日之卑視揚妓者未免所見之不廣也爰誌之以識吾過云

## 高桂卿之惱儂歌

南毛院揚妓高桂卿雖有冰桶之名執客却不為火蓋其為人乃因執客多而後予人以冰非由冰而後能招執客也高妓執客既多頗為高盡忠誠高本良家女以貧故質於妓館為期七年至今方三閱寒暑執客因其困於鴛婦拘束不能

自白乃為策劃贖身之事意欲酌費該鴛全賤若干從此取消典期不料鴛性多貪議難就緒高妓遂投警局控訴請求就此斷絕鴛係准高妓宗旨不通在恢復自由並無從良之志因此不能領款所理遂將高妓及鴛婦等一併移送法廳聞此案中款要全在兩姓所結質身契約已經傳訊高之生母候其到亦方能審訊判決曲直云

## 鴛大總統回汴

老妓孫秀貞舊有大總統之目前次赴京有從良之說已經略誌前報茲悉孫妓於日前忽然回汴仍在原班營業連日舊雨新集車馬盈門頗極一時之盛惟孫妓既已從良忽然仍理舊業此中委曲至不可解又按去年該妓亦有從良之說亦係不久仍復出現神龍隱現無常此孫秀貞之所以為大總統歎

## 胡小翠之一路哭

舊曆十八日下午在相國寺後街見後新房院之胡小翠子乘一洋車由西東行掩面大哭後隨龜奴一人並有狎客三人亦乘車相送大約必係應局車方遭遇挫折被打驅出故爾同巢至其原因何在容再探誌

書話

英靈親王徐翠蘭先生傳

寒 螢

按此類傳記以鋪張風流韻事為通例本傳則專注  
重事實其他豔史佳話更當為英王外傳詳之

王氏王小字銀子濟寧世家女也曾叔祖某以名孝廉牧令  
有聲列名鄉賢伯叔祖及伯叔輩拔萃食餼青於庠序者即  
今猶五人以上 (王之祖若父均有名字可考今因不便揭

示姑從簡略) 父培成字丹臣業儒未成名秉性敦厚治家  
不肖較錙銖故家道中落母氏馬來歸後育舉一男小字五

妮次舉女即王也時家計頗困培成銜口四方五年四歲培  
成方依友豐縣五妮寄外家獨王及母馬居濟寧濟寧有徐

氏者業彈詞娼妓之流五也徐少有積蓄輒放學子錢謀重  
利職王美欲得之因時時以金錢誘馬氏某日馬氏有急需

須錢十千(濟寧千錢當赤錢五百十千不過赤錢五千而  
已)徐氏急如數進越旬嚴詞責償馬氏無以應因授意調

停人勒令以女為質馬孺莫敢誰何揮淚而已王於是入徐  
門事既得撥培成聞耗星夜回濟以王氏身家清白有女斷

不容為墜溷花原款清償責妻馬氏將女贖回而徐氏以女

既略誘到手不甘放棄乃偽造婚書以歸姻對強迫童養培

成怒將訟徐徐亦有知理曲於是挾王潛逃培成意欲訪追

第乏資費痛志成疾念馬氏荒謬有辱門庭遂為書離婚浪

跡各縣訪徐踪跡以徐善規避迄未覩面若徐則既得王躡

躡滿志經兗州濟南北遊京津更返青徐一以王為錢樹子

強令應容詐欺取財偶不適意即加鞭楚而王此中之歲月

蓋幾以眼淚洗面矣丙辰春徐氏全班抵沂余以酷嗜彈詞

日與王相周旋每見王蹙眉茹痛一似重有憂者心輒疑之

間輿入詢及徐氏家庭知徐氏之過王殊覺慘酷(余另有

徐氏虐待英王記實俟登)遂乘暇詢王身世每飲泣不語

蓋身處虎口不敢言無可告訴之人難為言也余見而益憐

之誓為尋其父母俾王骨肉重圓(王之父母姓名王不自  
知曾余在東所偵得者余此行有謂頗得泰西偵探術其詳  
細手續別有日記下期詳登)會今夏酷暑友人作孔林  
之遊者余因偕行赴東由兗州而濟寧而魚台而金鄉而嶧  
而滕而鄒凡歷七縣於汲家莊(魚台屬王之外家馬姓所  
居也)晤王兄五妮於魚台得王母馬氏(馬氏行止不足

時來在於魯縣) 於鄰縣會見王培成君 (培成實於全鄉  
為烟店司賬時因採辦烟葉故在鄰縣) 每見各為細陳王  
事皆感激涕零而王之父若母亦為道其始末如此凡上所  
記在王都不記憶而徐氏尤詳莫如深故特為王傳以公諸  
世庶使此賢成我英監親王者皆知王之境遇實為天下最  
可憐最可憫之一人當同心愛護之也

論曰余曾屢詢王身世王泣余此行晤王先若父若母詢王  
近况則亦泣余親面亦為之流涕夫徐氏以流娼賤業出其略  
誘手段以奪良家女子至離人婚姻骨肉其罪已不可勝數  
而猶對王摧殘不遺餘力雖盜跖之行不是過矣至余此次  
克濟之役誓終宏願偵王父母昆弟以冠無名字之人竭四  
旬之力卒乃得之一一不爽殆所謂天佑者非耶繼自今落  
托有主為徐氏者對王行動其或有所顧忌是則不負一年  
之於所擁護王之王苦心也

### 白棠之瓦解

#### 白棠心居心斷舊容

白棠心之黨員最衆因之意見橫生其種種暗潮已經屢次  
發現不可遏止重以目前又有在白棠家中衝突之事白棠

心益厭煩之因擬設計將資格較深之白棠黨員逐漸斷絕  
關係以免節外生枝於是近來遂有種種問題發生  
一月有一生客在棚下點書兩枚給洋五元白棠對此生客  
遂大上其勁故對舊黨員表示冷落態度使其退步  
一月有某客在棚定家擋時方半晚正舊黨員陸續到棚之  
時不料某客忽然著衣欲去而白棠見家擋客去立時收場  
時舊黨員數人方到猶未聽一鼓也於是舊黨員大憤  
一日舊黨員有點戲者白棠一概置之腦後專演生客所點  
之戲直至日終收棚將舊黨員所點之戲始終未演  
每遇舊黨員進下處者與生客相遇必特別優待生客藉使  
舊容不平

既有以上種種事實而白棠遂相率瓦解有人揚黨者有人  
郭黨者有人李黨者白棠却亦漠漠視之一般白棠無不痛  
論白棠之忘恩負義而究竟白棠對於舊黨員何以出此決  
絕手段殊不可解容調查真相再為宣布

#### 李大玉未出棚之原因

李大玉已經數日未見出棚其表面原因蓋為與總子齟齬  
意欲改換他人究其內容實則大有別故特做總子為口實

耳此中曲折想熟於書界情形者均當知之惟是石尚可調和恢復原狀則殊不可少耳

### 上丰截之訟累

上丰截月前買一幼女意欲教習彈詞以為後手不料此女係為匪人招賣一日正在棚下當為該女親屬所見即呼巡警到棚連同上丰截立刻拘去移送審判廳審訊無論誘拐贖買均予例禁即將該女判歸親屬領去上丰截則拘留科刑後經迭次具稟陳情懇求恩施乃得取保釋放人財兩空可為誘買人口者戒也

### 閒評

#### 徐家班之罪惡

上丰截以候買被拐之幼女而受訟累若徐氏之略誘王氏幼女逼良為賤者其罪蓋十倍於上丰截矣然而徐氏無恙者以王氏未得逮并起訴耳彼徐鳳卿方且以鴿婦手段日毒病於無告之人為得計殊不知已身之已為現行犯也

此等風即聰明反被聰明誤醉生夢死合沒其誰哉

### 文字因緣

第八期燈謎候 教 八月十八日截止二十七日截報揭曉

潛園燈謎五則

大 六才句一

清明哭墓 六才句一

不使稟面錢 六才句一

悔方燈謎五則

議員質問 易句一

默詩 易句一

天門 報名一

#### 招聘花界訪員啟事

本報現欲招請花界訪員數位 酬例分甲乙丙三等甲等

每條二角乙等一角丙等五分 事由以頭等妓館為限

凡投稿務於星期二送到商場本報發行所收信函內 來

稿以刊出為限未刊登者作罷 酬資每滿月終總算由

本社派人致送 投稿務須隨信註明真實姓名及詳細住

址門牌號數如在址不清酬資無處致送者本社概不負責

鋼絲經緯志目二 一脫靴

燕吏縱之出境劇目一

海狗腎 縣名一

靈芝 妓名一